

中華民國四年二月

進步黨

特派員

李子素演說詞

敬啓者。鄙人承本黨委託。來省宣講。自維寡薄。時
深慙悚。益以諸般困難。周行維艱。

父老手采。愧未同親。芻蕘微言。苦難備獻。謹將演
過蕪詞。刷印成本。幸蒙

大雅不棄。聊貢一得之愚。區區苦衷。望
垂察焉。

李素謹啓



3 1772 4355 1

國民救國之必要（大會演說詞）一月三十一號

免國家滅亡之慘


絕外人窺伺之端

防止亂徒之煽惑

喚起國民之奮興

進步黨此次派員分赴各省。非徒求演說之形式。乃欲求挽救之實際。誠以我國建設伊始。內亂外患。紛至沓來。國事岌岌。危如累卵。苟非中央地方聯成一氣。必不足以救危亡。欲救危亡。又不專在

大總統憂勤于上。百執事贊襄于下。即能免此浩劫。必多數國民對國家觀念。有所觀感。而後國家乃能生存于二十世紀之競爭世界。然必如何而後可使國民了然于國家生活。即個人生活。國家若一旦失其活動之能力。國民即隨時陷入沉淪之慘境。此乃國家存亡關係。非一日一舌所能收効。惟望諸君子



多方維持。足以喚醒我國民。則有造于國家甚多也。今之論者。對政府則嚴加苛求。對國民則多方寬假。鄙人亦國民份子。竊期期以爲不可。我國之所處。係何境地也。向所仰給者。惟外債。而外債之途。已絕矣。向所苟安者。惟均勢。而均勢之局。已破矣。即合我四萬萬國民。贊助政府。急起直追。尙有稍縱。卽逝之懼。而乃羣立于毫不負責任之地位。視國家爲政府之國家。若無與我事者。吁。苟長聚此無數之對國家不痛不癢。靡痺不仁之國民。欲起而與現世界國家主義最發達之國民。爭雄長。決雌雄。恐強國之旗幟。未樹。不旋踵。卽成一變相之印度。波蘭。安南。朝鮮也。非鄙人偏袒政府。責望國民也。諸君試一翻閱亡國史。印度何以亡于英。波蘭何以滅于俄。安南何以覆于法。朝鮮何以制于日。孰非由其國民。個人思想重。國家觀念輕。立國之要素。先自喪失。故各野心之強國。皆乘機而起。乃出其牢籠。陷害之手段。始而挑動之。繼而利用之。彼昏不知。反爲所愚。上恬下嬉。醉生夢死。游游忽忽。而社稷攬矣。

及社稷已墟。再迴看其國民。印度則人民可作坐椅矣。波蘭則婦孺盡被顛祭矣。安南則戶牖亦有所限制矣。朝鮮則學校亦失其自由矣。究其亡國之絕大原因。率因該國人民無意識無生氣之所致。及地圖易色。文字湮滅。乃始秘密集議。欲起而謀自強之道。然已晚矣。

由是而知國家生存于世界。非生存于政府。生存於國民耳。生存于國民之意識與生氣耳。有意識而後有觀察之眼光。有生氣而後有任事之勇力。亦必國民有意識而後生氣不流于操切。國民有生氣而後意識不墮入沉悶。國民有意識有生氣而後國家乃有自主之能力。與自由之動機。不屈不撓。不卑。可以除內憂。可以弭外患。換言之。即國民苟無堅苦卓絕之精神。國家必有顛沛衰弱之運命。此自然之勢也。

試問我國國民意識如何。生氣又如何。即以前清往事言之。甲午之役。人民曾慨言用兵而敗于日本。庚子之亂。人民亦狂呼滅洋而戕于聯軍。維時人民亦

似有生氣。因無意識以隨其後。幾遭滅亡之禍。及辛亥起義。南方騷動。人不敢代表赴南。見夫一夫荷槍而倡獨立。數人篝火而謀光復。學生軍練自少年。敢死隊成于女子。所謂意識亦粗淺之意識也。所謂生氣亦浮躁之生氣也。心滋感焉。我國民豈真有劣根性哉。抑提倡之不得其法。感覺之不得其方也。夫國于天地。必有與立。喪失其與立之具。國未有不立。致傾覆者。與立之具。奈何。即所謂意識與生氣也。試即青島戰事言之。以一隅之地。數千之衆。處於對祖國絕對不能接濟之地位。器械有限。糧餉有限。無戰鬪之預備。無友邦之協助。以常情言之。該地德民。即不折一兵。不遺一彈。早與日本議訂條件。人亦不得笑德人之弱。乃僑華德商之在滬上天津者。聞青島有變。舉私有之數萬財產。不一係戀。徒手搭船。運赴孤島。以與戰事。相持月餘。始被俘虜。嗚呼。猶是國家也。猶是國民也。彼日人待遇德俘。有加敬禮。敬禮其意識。敬禮其生氣也。我國家猶是中立國家也。我國民猶是中立國民也。日人自龍口登岸後。肆無忌

憚。佔據我室廬。姦淫我婦女。虜掠我財產。斃殺我村民。我國家猶未亡也。我國民猶未爲亡國之民也。而日人欺侮之。凌辱之。殺傷之。踐踏之。若犬馬牛羊然。嗚呼。德以區區數千人。與英日聯軍抗。雖死猶生。雖敗猶榮。我國猶有四萬萬之衆。待之若犬馬牛羊。我政府再四提出抗議。日人舉動毫不悛改。是非輕蔑我政府。輕蔑我國民也。輕蔑我國民無意識無生氣也。國強則匹夫重如泰山。國弱則萬夫輕于鴻毛。嗚呼。國民之意識。嗚呼。國民之生氣。

最痛心者。日人野心勃勃。方將伺隙而動。我國在逃之亂徒。暗與日約。乘機返國。混跡日軍。希圖破壞。以報私忿。近又有長江一帶。密議起事之說。嗚呼。卽有深仇。與同胞何仇。卽有積怨。與同胞奚怨。爲一二人之私利私害。不惜舉數千年神聖之黃帝子孫。奴隸之。屈辱之。使之墮入幽暗地獄中。歷萬劫而不能再振。是豈復有人心也哉。人爲刀俎。我爲魚肉。羣策羣力。猶恐不濟。而乃百計以招之。千方以誘之。苟利於己。無所不爲。彼日人者。惟恐吾內亂不生。無以啟干

涉之漸。吾又從而引導之。究其極。外人非藉口保護僑民。即藉口代平內亂。調集重兵于國內。而後擄奪我權利。處分我土地。而以小小虛名與亂徒。其自爲計則得矣。其如我無辜之民何。

國家譬之卽舟也。國民卽乘舟之人也。政府卽舟中之掌舵者也。舟駛大海而遇颶風。駭浪滔天。覆沒在卽。同舟之人。宜如何扶助共濟。謀出此大險。乃乘此驚風汹涌。欲謀推墮掌舵之人。嗟我同舟。其何能堪。彼英之愛爾蘭自治問題。未解決也。法之內閣黨爭。方易人也。俄之虛無黨。無政府黨。勢燄方張也。乃一聞國有戰事。胥一德一心。効死疆場。亂徒聞之。能無愧死。雖然。亂徒究屬最少數之少數耳。我國民苟能一德一心。彼亂徒卽有詭謀。亦不得逞。濟今日之時艱。延國家之壽命。全視我大多數國民之自覺心與自做心之程度如何。能自覺能自做。而後可以增進其意識。發揚其生氣。而國家之易危爲安。轉弱爲強。胥於此點証之。

我國民之自覺心與自傲心。亦一時微露曙光。而其最大弱點。則在善忘。有來相告者曰。某國將協謀我也。某國將併吞我也。則悚然戒懼。毅然奮興。豈廣告以傲之。發傳單以激之。窺其勢似將欲捨身命。輸財帛。作政府後援。以洗此奇恥大辱。乃曾幾何時。事過境遷。漸歸於淡。而外人黑幕中之進行。勢不止一日千里。我國民反如秦人視越人之肥瘠。漠不關心。又復多方揣測。不日受列強之均勢而牽掣也。即曰恐強鄰之嫉視而緩謀也。不日政府用優柔之手段以取消也。即曰報紙以強硬言論而收効也。所謂自覺心與自傲心。因此種種之解釋。亦如曇花一現。旋生旋滅也。

以上種種說法。非敢厚誣我國民也。即以近事証之。方日支議定書由大阪朝日新聞報紙傳來。使我最安靜最冷淡之國民。失無事之常態。發垂死哀音。夫日支議定書。含有如何毒質。使我驚慌若此。試摘其要者。披露於諸君子之前。

(一)大日本帝國。確實保障支那共和之獨立及領土事。

(一) 因第三國之侵害。危及支那共和國之安寧或領土時。大日本帝國。應速爲臨機必要之處置事。

(二) 支那共和國政府。不妨礙以上大日本帝國之行動。與以相當之便宜事。

(一) 大日本帝國。因爲達前項之目的。得臨機收用軍略上必要之地點事。
(二) 兩國政府。不經相互承認。不得與第三國締結違反本協約趣旨之協約事。

自此議定書發現後。吾一般國民。恐爲朝鮮之續。皇皇焉研究其真偽。討論其有無。多數國民。大有寧爲亡國鬼。不作亡國民之氣概。亦云盛矣。乃經日報辨正。日使辨誣。我一般國民。亦以日本報紙。慣於說慌。善於造謠。遂視爲不至見於事實而忘之也。夫議定書之有無。固不足論。然此等輕薄淺薄之言論。何以除朝鮮外。不加之他國。而加之吾國也。其敢於加之吾國。即日本朝鮮我也。日

本朝鮮我而我一般國民。隨怒隨解。隨解隨忘。所謂自覺心與自傲心。其脆弱不能持久也。竟若斯。

今者我即忘情於日本。日本斷不能忘情於我也。試觀日本拓殖新報所主張對我之政策。一面遏抑俄德。一面又牽制英美。務使各方面剪削其阻礙力。而後對我之政策。方進行順利。其所主張根本上解決問題有四。再爲諸君子披露之。

(一)廢支那共和政體。改爲君主立憲。

(二)支那各種重要位置。悉用日本顧問官。務使支那尊重其說。

(三)設日本語學校於支那各地。

(四)根據條約。力行以上各項。

言至此。不必剖晰其用意之所在。凡我國民。應無不怵目崩心。髮指眦裂也。此而可忍。孰不可忍。此而能忘。孰不能忘。

我國民最大弱點。匪但伏有一種善忘性。並伏有一種依賴性。而其依賴性之養成。來源最遠。我國爲數千年專制古國。人民除出租稅以供上用。輓芻粟以給公家外。所有一切內政之良窳。外交之得失。若無直接之關係。則仰賴以維持治安。保護領土者。惟在衣錦繡食梁肉之少數官吏。自海禁大開。漸知國家係團體員組織而成。必團體員鎔成一氣。打成一片。而後足以禦外侮。今我國家所受之激刺如何。所感之苦痛又如何。我國民如醉如癡。漫不經心。究其所依賴之點。則在

大總統一人。夫以大總統歷官督撫。經驗有素。措施有方。自履總統任後。國事擾攘。如蝟毛棘手。卒能誅除暴亂。鎮定人心。吾儕小民。又何患焉。嗚呼。國民依賴總統。而總統又豈能以一手一足之力。即足以對內對外乎。威廉德皇。蓋世雄也。使非德民無老無幼。無貧無富。無贊成黨。無反對黨。萬衆一心。共濟時艱。德皇亦不能以一人之力。西敗法。東敗俄。英國亦有海上霸王地位不

半固之情狀。我國民其亦知所奮興乎。

國民係由國家所養成。有應享之權利。即有應盡之義務。處此弱肉強食優勝劣敗之時代。而復持冷眼。作壁上觀。任人支解之。鬻割之。毫不自儆覺。我國民豈真有亡國癖耶。豈甘願作外國奴耶。毋亦由自覺心與自儆心。發動之機會太少。故大難在前而不知懼。大禍臨頭而不知恤耶。日支議定書與拓殖新報解決支那之問題。前既言之矣。而日本處置青島問題。尤別具野心。近聞我政府對青島兵隊。提出交涉。日政府漠然置之。並無撤兵之意。該國輿論界。反大肆狂悖。謂中國爲無理要求。宜向之問罪。夫青島爲德國租借則有之。佔領則未也。日本向德國發最後通牒。亦一再聲明。還我固有。何我一交涉。即欲興兵問罪。日人對我日逼一日。日緊一日。而我國人猶曰。此口頭上之矜張。非實際上之証據。嗚呼。吾真不知死所矣。即如青島關稅長問題。日人謂日本政府對中國政府。反對任命青島關稅長立花氏一事。非謂立花氏不適其任也。正謂

中國政府不得專擅自便。以漠視我權限也。夫德人之在青島。歷有年所。亦不得有此權限。日本何人。乃妄自侵奪。視爲已有。此孰爲漠視。孰爲專擅也。司馬昭之心。路人固皆見之。眞無理可講。無話可言。今聞日本對青島。已提出二十餘條要挾條件。無論發生何等事實。歐洲戰局未解決。我國尙可苟延殘喘。以待命。乘此殘喘苟延之時期。我國民須速速醒悟。急急籌備國事。庶有轉圜。國運或可長壽。吾言至此。吾心益懼焉。

近日亡國之新法。必先使局部亡之。而後及于全部。而局部之亡。又必先抽一部分利益。讓與強鄰。免其掣肘。而後所得之利益。乃收完滿之效果。如日俄之近事是也。爲今之計。我中國宜統籌全局。以謀對待之法。各地方亦宜各有對待之法。卽如我晉地處西偏。北界蒙疆。俄人耽耽。久肆垂涎。前聞俄蒙鐵路協約已簽字。借款合同已告成。外蒙既入俄人之手。內蒙將有不保之勢。當此時也。日本乃欲與俄人締結同盟。日俄感情。素稱惡劣。此等舉動。必有相互之條

件交。誤之利益。瓜分之禍。勢將不遠。我曾因歷史上之關係與營業上之關係。以致一般人民。富有保守性。而缺少進取性。夫保守性之特長。利于閉關自守之時。不利于門戶開放之日。譬如猛虎阻我之門。待人而噬。室內主人。宜審其智謀與勇力。驅逐之。斃殺之。而後寔人生命。可保無虞。若推諉復推諉。因循復因循。不敢越雷池一步。坐使猛虎伺隙而入。以飽其饑腹。保守之害。必不免遭此收場。今何時也。謂日人對我有絕大禍心。而包藏禍心者。不止一日人。謂俄人對我有無限陰謀。而償用陰謀者。不止一俄人。外界之險象。堪生。凡我國民。宜時時進取。事事進取。奮起其精神。輔助政府。以支撐此不可終日之危局。猶恐弗及。而乃故步自封。不思外競。舉凡實業教育財賦諸大端。無進化之可言。有退化之足証。事事無新氣象。其不能戰勝國內者。焉能戰勝國外乎。國家興亡。匹夫有責。而人承本黨之委託。悚時局之顛危。欲將本黨之主張。貢獻于國民。欲一般國民。表同意于本黨。此行非爲黨務計。爲國家計。爲國民計。

也。國民不能離開國家。本黨目不能離開國民。欲使國家不受死刑之宣告。必先使國民有公平之判斷。欲使國民有公平之判斷。必先使國民曉然于國家衰弱之所由致。與其救濟之必要。而人竊以國家之衰弱。率由國民無自覺心與自傲心。即所謂善忘性。依賴性者。亦無一非國民不自覺不自傲階之厲也。然我國民勿自餒也。歷觀列強。英以商制勝。德以工制勝。俄以農制勝。美以礦制勝。然其雄飛之點。俱不外乎國民之心力。我國民果能各盡心力。以擁護國家者。擁護中央。以擁護中央者。擁護地方。擁護非徒託之空言也。要在我一國民自覺自傲。各盡其天職。殷憂可以啟聖。多難可以興邦。我國民其勉旃。

人民對於國家之義務（大會演說詞）

服兵義務

納稅義務

我國今日之所處。係何地位乎。列強包圍。鷹麟虎視。黃河流域。長江流域。在在
有外人之馬蹄足踪。加以我同文同種。表面上最親善最友愛之日本。乘歐洲
戰事未終。又設法以謀我。甘言以誘我。推其流弊。必致國家于永久死亡之地
位。我國家處此外患緊迫。財政支絀之時期。無一步可以自由活動。國家若喪
失其活動之能力。則國不國矣。國之不國。誰之咎也。必將專仰賴政府。藉以維
持國家。吾儕小民。得偷安于旦夕。然共和國家。責在國民。而不在政府。使仍將
萬鈞重任。責諸政府。我人民仍守對國家不負責任之舊例。則專制可也。何必
犧牲無數生命。擲棄無數財產。而博取此朝夕待亡之共和虛名也。况專制國
家。人民對國家。亦一例負責。如德意志。如日本。其大彰明較著者也。該國人民。

俱曉然于人民係國家所養成。則人民對國家。當然有一種應盡之義務。而其義務。又經法律上明明規定。一似人民若不履行此義務。即失國民之資格。爲終身憾事。義務若何。一服兵義務。一納稅義務。

人民何以對國家有服兵之義務。試先即各國軍力之比較。可得服兵之真相焉。據一千九百零四年之調查。

德國陸軍。平時八十一萬四千人。戰時可達五百五十萬人。

法國陸軍。平時七十三萬人。戰時可達四百萬人。

俄國陸軍。平時一百二十萬人。戰時可達四百五十萬人。

奧國陸軍。平時二十九萬六千人。戰時可達二百五十萬人。

義國陸軍。平時二十九萬一千人。戰時可達二百萬人。

日本陸軍。平時二十三萬人。戰時可達二百萬人。

各國之軍力。如此雄偉。故一聞動員令下。召集數百萬壯丁。與現役兵同一調

遣一切戰術勤力。與現役兵有同等効力。我國歷史上。詳于募兵制。而畧于徵兵制。雖唐代府兵。亦具有徵兵規模。維時軍事上之範圍尙狹。舉國皆兵。亦屬英雄無用武之地。行之未久。旋易疆騎。易方鎮。而制爲之一變。迨清之末葉。外患日迫。悚于綠營之不足有爲。而改練軍。又鑒于練軍之不敷所用。而議徵兵。初議奉行。即遭改革。遷延至于今日。兵制愈複雜。軍隊愈不可恃。我兵之使行于道。而招兵之文。又張于市。至使世人詬病。多一卒則民受一卒之擾亂。添一旅則民受一旅之蹂躪。而國家又不能無兵。不能不養兵。民國初年。秩序紊亂。有收拾新軍零碎。編成軍隊者。有混合巡防巡警。編成軍隊者。有臨時招募。編成軍隊者。約計其數。幾達百萬。軍人者。乃最尊嚴最神聖。一種資格也。何以人民對之。不加敬禮。反生嫉惡。夫國家爲求達國家之目的。而始養兵。養兵不能得兵之用。反增其害。究其流弊之造成。有三原因。

(一) 志願上之原因。同仇敵愾。關乎愛國之熱誠。遂發爲救國之志願。我國

軍人入伍。半因金錢而來。以金錢之有無。決本身之進退。是其根本上已含有
一種不淨質料。不知國家爲何物。一旦有事。非乘機譁變。即伺隙潛逃。太平之
金錢失望。苟免之倖心。遂生。其不可恃者一。

(二)資格上之原因。凡人必有係戀心。遇事始不肯放棄。身家關係。賢者不
免。若子身獨立。家徒四壁。因口腹之所累。始出而當兵。是其本身。已經微賤。又
益以識字無幾。見理不明。視國家之安危。如秦人視越人之肥瘠。漠不關心。若
用以禦敵。勝則利敵財產。敗則攫民衣食。其不可恃者二。

(三)觀感上之原因。人雖至不肖。心理亦無大差異。吾人狃于好鉄不打釘
好人不當兵之俗見。一遇軍人。遽生戒心。遂于不知不覺之間。流露一種疏遠
狀態。相積既久。遂成慣習。軍人亦積憤成怒。益加蠻橫。甚者挺而走險。無所不
爲。國家危機。即伏于此。社會之敬禮不加。軍人之行動可怖。其不可恃者三。
有此三原因。遞嬗遞演。無論如何編置。如何訓練。軍事終無起色之日。國家終

無奠定之時。人民乃隨之播蕩。永無寧所。欲祛此危險。

第一須堅定志願。以鼓其熱誠。

第二須尊重資格。以長其價值。

第三須改變觀感。以厚其待遇。

此爲根本解決法。非實行徵兵制。恐終難達到彼岸。而徵兵制之實行。又必須從戶口徵兵。教育徵兵入手。彼德意志之行此制。在一千八百零六年受挫以後。日本之行此制。在明治五年奮興之始。俱經歷數十年。成效始著。若西班牙之兄弟代役。葡萄牙之納金免役。阿富汗之老翁服役。土耳其之納磅歸休。皆缺乏徵兵之真精神。國勢因以不强。我今爲保國計。爲保民計。擬行徵兵。非人民有樂從心。國家終難收實効。然則徵兵者。乃利國利民之唯一政策也。試略言一二。

(一) 負擔減輕。我國軍事費。占全國收入大部分。養兵十人。不得一人之用。

若行徵兵。循環退役。現役一人之軍費。可得十人之用出。少數之金錢。養多數之精兵。然後運用武力。求達國家目的。吾民果何憚而不爲此。

二、身家安全。外人欺凌。已達極點。任其吞噬。絕無抵制之方。國內匪徒。亦肆行搶掠。若人盡充兵。兵皆愛國。外可免奴隸之慘。內亦消攘奪之虞。國家聲譽。由茲飛騰。吾民又何憚而不爲此。

嗟乎。國家之弱。由兵弱也。兵弱。由民弱也。民爲邦本。本固邦寧。欲固本。先強民。民強則兵強。兵強則國強。彼德意志。驅百萬雄師。西敗法。東敗俄。強盛如英。亦使之奪氣者。德之國民軍也。彼日本甲午之役。遼東之役。俱唱凱歌。增光國旗者。日本之國民軍也。我國人胡不深長思哉。

人民何以對國家有納稅之義務。試先即各國富力之比較。可知納稅之實際焉。據一千九百零十年之調查。

英國歲入。每年二十五萬萬元有奇。

法國歲入。每年十七萬萬元有奇。

德國歲入。每年二十一萬萬元有奇。

美國歲入。每年二十四萬萬元有奇。

俄國歲入。每年三十四萬萬元有奇。

日本歲入。每年六萬萬七千萬元有奇。

我國在前清末造。國家總收入。尙有二萬萬九千兩。約值四萬萬元。迨民國成立。國家收入。頓減至二億數千萬元。一切支出。俱仰外債爲生活。各國對於擴張武備。或整頓海軍。所需動億巨萬。而咄嗟立辦。該國人民對之。不惟無怨。衷心。又輸將恐後。踴躍爭先。一種愛國心。隨國旗飄揚。無稍停止。我國稅法。率遵什一遺規。過乎什一。即視爲厲政。今雖財政告匱。羅掘一空。始于不甚擾民之事。稍稍設法。如印花驗契等稅。亦率行試辦。不敢操切。對于加稅一節。始終慎重出之。期與人民休息。以回復元氣。夫我國四萬萬國民。同爲國家赤子。國家

安則人民與之皆安。國家危則人民與之偕危。此中不得已之苦衷。國民宜共同體量之。互相援濟。使國家不陷入窮困危亡之慘境。人民乃得享飽煖優游之幸福。一旦財政不繼。財權握于他人之手。國家自無發展之餘地。然後倒國傾倉。共謀恢復。此亦難矣。埃及已事。可爲寒心。人之愛國。雖不如我。我國人民。豈真不愛國家耶。豈真對國家不欲積極維持耶。毋亦恐維持不得其法。或不得其道耳。國家收入。責在吾人。今欲與諸君商榷者。有二事。

(一) 煙稅。煙之爲物。有百害而無一利。人每嗜之。朝夕不離者。莫洋造煙若。無論所含毒質。有若干成分。卽以每歲所售之價值論。已令人不寒而慄矣。列表如下。

- (一) 紙煙。約值一千三百四十餘萬兩。
- (二) 呂宋煙。約值七十九萬六千餘兩。
- (三) 煙草。約值四百餘萬兩。

(一)上海英美煙公司煙。約值八百餘萬兩。

以上就一歲中之調查。約計已達二千六百餘萬兩。而中國之煙。尙不在內。若不設法抵制。漏卮笑窮。雖原料課稅法。與製造課稅法。因外人關係。俱難辦到。若實行營業課稅。或從價課稅。既可增加國庫收入。又可免除毒物滋蔓。庶不至使阿片流毒而後。又加以紙煙之流毒。我國國民果不吸之。是亦消極維持之一法。

(二)酒稅。酒之爲物。最足弱種。俄皇懲于遼東之戰。因酒致敗。此次歐洲出師。毅然下禁酒令。我國先哲。亦惡旨酒。其遏抑酒害。具有同一觀感。現洋造酒。每歲輸入。約值銀四百萬餘兩。已抵一省總收入數。若不重行課稅。將見洋造酒精。流遍筵席。由四百萬餘兩。遽升至二千餘萬兩。與洋造煙同一大銷場也。擬實行營業稅。或從價稅。其徵收法有二。

(一)洋造酒。從重率課稅法。

(一) 華造酒。從輕率課稅法。

似此則舶來品酒。或可斂迹。業酒商人。亦有發展餘地。然後再徐思禁遏之法。此欲與諸君商榷之二事也。

此外地稅一項。爲國家根本大收入。昔李文忠有云。我國可納稅之地。佔全國積三分之二。以半數計。應得四億兩。據戶部則例。全國民賦田。約達七百萬畝。每畝徵稅一錢。可得七千萬餘兩。若徵七錢五分。可得一億五百萬兩。惟我國關稅鹽課。俱作外債抵押品。祇此地稅。尙可自由活動。驟議升課。亦多困難。欲升課必須清丈。欲清丈必須用款。當此司農仰屋時代。款從何來。彼日本小國也。歲入尙有六萬萬七千萬有奇。我國土地如斯之大。人民如斯之衆。國家收入。祇有二億數千萬元。軍事費已佔去大部分。雖內無暴動。外鮮竊伺。一切政務。尙虞停滯。無米之炊。巧婦難爲。况內憂外患。又時時迫我而來乎。我國民識不深長思也。

夫人民之于國家。猶手足耳目之于身體也。使有人焉。無手足以資動轉。無耳目以効靈通。其身體能獨存乎。國家爲法人。無所謂動轉。以人民動轉爲動轉。無所謂靈通。以人民靈通爲靈通。國家之生活。維人民是賴。而人民之保其國家。亦猶人民自保其身體然。觀于此次歐戰之調查。可廢然返矣。

德國軍額三百萬。一年軍費約五千六百兆元。

法國軍額三百萬。一年軍費約如德數。

俄國軍額四百萬。一年軍費約七十六百兆元。

奧國軍額二百萬。一年軍費約三千六百兆元。

英非徵兵國從略。

據此調查以觀。則人民對於國家。雖日馳騁乎槍林彈雨。坐臥乎雪地冰天。捨己之身命。耗己之財產。從未有退縮不前。稍出怨言者。爲救國也。救國卽自救也。我嘗在歷史上。號稱莫強。先哲先民。猶有遺風。在商界上。富有信用。急公好

義素著美名。苟利于國。無所不爲。服兵納稅二問題。我晉人苟出其財力。必有能爲全國倡者。怵時事之迫急。効未雨之綢繆。國事急矣。曷其興諸。

內國公債及有獎儲蓄（大會演說詞）

今日我國最要之問題。在勵行國民經濟政策。欲使國民經濟穩固。必先使國家經濟充裕。而後乃能措置一切。使國民經濟不受意外之變動。我國自革命以後。財政紊亂。已達極點。各省應解中央之款。皆截留以作軍事行政各費用。民間之負擔。雖未減少。而中央之收入。却已匱乏。自贛寧亂平。各省始對中央。逐漸報解。維時中央。所仰賴以維持生活者。除借款以外。別無可以活動之處。在前清末造。民間對於鐵路實業等借款。無不表示反對。恐有借債亡國之禍。何以一入民國。觀念竟爲之一變。聞銀行團之契約成立。則欣然喜。聞銀行團之會議決裂。則悚然懼。豈民國借債。即不足亡國耶。何以對前清如斯之苛。對民國如斯之恕耶。今幸歐戰蔓延。外資頓絕。我國人宜乘此時機。拔除依賴性。振起獨立性。對中央之用途。須確實計算其歲入之總額。與歲出之總額。兩兩比較。相差之數。究屬若干。吾國人了然于心者。始可無阻於事。愛國之心。自

油然而生矣。

據民國二年。財政經過情形。歲入總額。祇二億五千萬圓。而歲出之不可或缺者。已占三億九千萬元。其中以國債償還費。一億一千萬元。與陸軍餉需費。一億三千萬元。爲其大部分。二者相比。尙缺一億四千萬元。此一億四千萬元。卽行政經費也。以致三年度各部之公俸。二三月不能發給。各校之薪金。三四月無從開支。始焉尙可私求銀行。議訂小借款。以救燃眉。繼則小借款亦無處張羅。中央無點金之術。國家有懸磬之憂。譬諸治家。食指繁多。而取財無路。專以典質衣服。貸借友朋度日。家未有不立致衰落者。國亦猶家也。國以貧而弱。家以貧而衰。司農仰屋。羅掘無術。

大總統憂之。實行減政主義。先從公府入手。而後及于各部各機關。涓滴之積。究屬無幾。而大宗必需之費。有一日不可稍緩之勢。國家收入。祇有此數。不得已乃發行內國公債。與有獎儲蓄。以濟一時之窮。一面爲國家經濟計。一面又

爲國民經濟計。使國家經濟藉。此有活動餘地。國民經濟。亦有所貯藏。隨時可得莫大之利益。而人民猶退縮不敢購買者。亦有鑒于前清昭信股票。失信于民。以報捐封典銜名官職等事。作無謂之償還。夫前清以失信于民。終致天位不終。民國則事事欲取信于民。尙恐民不見信。致失國家價值。我人民胡不體量之贊助之也。

(二)對於內國公債之應釐量者。各國發行公債。爲一尋常之事。人民有樂從之心。國家得挹注之利。故一遇國庫減縮。或經濟變動時。動即募集億萬。咄嗟告成。我國公債。額數一千六百萬。較各國爲少。利息六釐。較各國爲優。債期十二年。較各國爲短。本金担保。則指定京漢鐵路。息本付還。則指定稅務司與中國交通銀行。有肅政史之監察。有審計院之稽核。近已撥九十六萬元。存之滙豐道勝銀行。爲一年之利息保證。而又持此票額。可以納租稅。可以作証金。無一事之蹈空。無一處之落虛。代人民計。亦云詳盡。第一次公債。雖勉收成。

效。第二次公債。志觀望不前。此仍須徵之人民愛國心與自愛心之程度如何。愛國則財可流于世。自愛則富可藏于公。一切公益上之榮譽。與私法上之担保。皆賴公債一紙得之。吾民何憚而不爲此。


(二)對於有獎儲蓄之應儘量者。國家爲金融奇緊。藉資流轉。發行有獎儲蓄票。此在各文明國。如巴黎債票。如蒲魯賽爾債票。如巴拿馬債票。皆其先例。人猶以前清之呂宋彩票。湖北彩票。疑之者。足未審儲蓄之性質也。彩票則一次不中。血本消滅。儲蓄則三次不中。全本歸還。無絲毫之損失。有莫大之希望。一等可得十萬元。末等亦可得數十元。舉凡一切遊戲費。酬應費。衣食費。煙酒費。日有節省。購買儲蓄。不知不覺之間。即可變一富家翁。終身食着不盡。現政府對此債票。猶恐人三年之內。無所施用。現已與六釐公債。一律照准。代繳保證金。又准三年後。可持此票。納稅完糧。既厚其報酬。又寬其用途。政府獎勵人民之苦衷。與維持金融之方法。無不委曲求全。期其便利。吾民何憚而不爲此。

然亦不敢厚誣我國民也。伏處鄉間。聞見較齊。國家之困難。與經濟之現狀。非知之不盡。即聞之不詳。苟能家喻戶曉。赴國家之難者。尙不乏人。况此利國利民之公債與儲蓄。應無不踴躍爭先者。試將國家困難情狀。略一陳述。國家困難。莫過于借債。厚其利息。抵其物產。當局者含羞忍辱。舌敝唇焦。對銀行之嗟商。仰其鼻息。奉命惟謹。恐其不承諾。即承諾矣。而刁難復刁難。挫折復挫折。始肯撥出借得之數。一值本利償還時期到來。又如催命之符。欲稍緩須臾。而不得。夫國家爲多數人之國家。非一二人之國家也。辱則多數人受辱。非一二人受辱也。與其求人而受辱。何如求己之有榮。與其求人。不勝其後患。何如求己之緩急可恃。如身之使臂。臂之使指也。

今我國所負之債務。究屬如何。自前清甲午以後。國債日積。中日之役。馬關議和。賠款二億三千萬兩。全仰借外債以彌補。未踰數年。又繼以庚子賠款。本利九億五千二萬餘兩。定四十年內。分五期償還。至宣統二年。思欲挽回利權。向

日人締結一千萬元之約。以供整理鐵道之用。歐美各國乘之。亦締結六千萬元。弗郎之條約。所謂四國借款也。其用途則以七十萬元。爲改革幣制之用。三千萬元。爲辦理東三省實業之用。此光宣兩朝之重要國債也。自民國成立。需用活繁。乃借二千二百萬磅。約中國二億四十餘萬元。所謂五國善後借款也。此特約舉大借款而言。據近日之調查。我國未償還之借款。尙有二十三億萬元之數。每年付息。約有八千餘萬元。倘非受歐戰之影響。大借款又將成立。所謂內國公債。與有獎儲蓄。我人民可免此事實發生。然外債誰負擔。仍我人民負擔也。外債誰償還。仍我人民償還也。且無論借至如何程度。我人民祇有責償之苦痛。斷無獲利之機會。非外債不可獲利也。各國外債。如英如法。計其數尙突過吾國。惟各國借債。大都用于生產事業。國家有相當之營運。償本付利。皆不甚苦。吾國借債。多用于消耗費。卽實業借款。亦僅一部分用于實業。其餘皆急不能待。挪供他用。此二十三億萬之國債。本利皆由我國民應付。處茲國庫

如洗。外資已斷之時期。正我撥雲霧見天日之時期。乃即此。公債儲蓄。毫不傷
民。且有益于民之善舉。非對之冷視。即向之懷疑。抑又何也。鄙人 敬向父老下
一堅確斷語曰。有民國。即不患無信用。勿圖飲鴆以止渴。須集衆志以成城。其
各勉旃。



世界現勢與中國前途之關係（教育會歡迎演說詞）一月十七號

今與諸君子相晤于一堂。所欲領教之事甚多。所欲商榷之事亦甚多。國事危迫極矣。觸處皆荆天棘地。着眼皆慘雨悽風。茫茫前途。向何處說起。不自審量。試卽世界現勢。一進言焉。自奧塞失和。戰禍延蔓。舉凡協商國方面。與同盟國方面。皆捲入戰爭渦漩中。彼別懷野心之日本。藉口與英吉利同盟之故。向德意志發最後之通牒。維時我舉國上下。方謂日本不應無事自擾。無的放矢。日本敢于冒天下之大不韙。不講情理。不顧是非。毅然決然。破壞我中立。從龍口登岸者。夫豈冒昧從事。胸無成算者可比。日本北進主義。與大陸政策。蓄謀已非一日。今因均勢破裂。有機可乘。故逞其狡謀。悍無顧忌。始焉萊州一屬。強作戰場。繼而濟南一帶。橫被侵入。司馬昭之心。路人固皆見之。而猶復以青島歸還故主之說。以愚我國人者。愚天下。今青島入日人掌握。已非一日。胡不聞遣一使。遣一書。將青島主權。還我故有。而現在之行動。日益加甚。青島軍隊。長久

駐紮也。膠濟鐵路。永遠管理也。窺其勢非達到併吞我國之目的不止。而我舉國上下。泄泄沓沓。不思所以自強之道。所朝夕推求者。不曰英俄勝有利于我。即曰德奧勝有利于我。然使英俄德奧有愛于我。恐不至今日。早當有以援手救也。何以黃河流域與長江流域之利權。無不視如儿上肉。爭起而鬻割烹食之。詎至今日。偏欲憐恤我。哀矜我也。乃我國人。既有此不思求已。祇知求人之心理。吾亦願隨之。而一爲之推察焉。

(二)英俄勝說。開戰以來。德國雖極陸路戰鬥之美觀。然西不能近迫巴黎。東不能使俄人絕跡東普魯士。即令德人賈其餘勇。竟下巴黎。在法因受重創。而已遷都在前。亦未必有意外損失。即使法人再遷都。爲比利時之續。亦不能敵彼四十二生的之大炮。出而請和。而講和又格于協約。不得單獨行動。欲得英俄之同意。必英之倫敦。俄之聖彼的堡。皆有德之馬踪足跡。德雖勇武。而破除英國海軍。殲絕俄國陸軍。夫豈易事。况英出其優勝之海軍力。足以妨害德

之國民經濟。國家之財政亦隨之不能支持。則德雖得軍事上勝利。而財政上支絀。恐不免迫于議和。如是則英俄勝利。然俄人軍事計劃。向主張由西伯利亞鐵道。運送東方。經此次戰爭。將耗其泰半。英人兵力。散在各處。不能召集一隅而運用之。此次青島戰事。不啻爲日本負之而趨。隨之而走。英俄即勝德之後。而巴爾幹問題。防德善後問題。殖民叛亂問題。均非一朝一夕所能解決。烏能再有餘力。注重東方。吾恐英俄勝。亦必姑承認日本勢力。以爲暫且息肩之地。日本亦不奪英俄舊勢力。以維持東亞王人翁之地位。日本即如何跋扈。如何放恣。孰能起而抑制之也。

(一) 德奧勝說。世人揣測英俄之勝利。大半以英俄勢衆。德奧勢孤。爲其主因。然近者土耳其已與英俄宣戰矣。阿富汗已有與土同盟之說矣。印度安南間。亦潛謀獨立矣。暹爾諸國。固不足震英俄。然土耳其捷電。日有所聞矣。智利之役。同時而殲三艦矣。以一愛母燈巡洋艦。縱橫太平洋南洋諸島。如入無人

之境矣。是則英雖握海上霸權。勝負之間終不得以噸數多寡爲斷也。俄之陸軍雖甲全球。然于奧之加里西亞則取而能守。于德之東普魯士則進而復退。波蘭境內。反爲德奧蹂躪。英俄之戰事不順利。恐難轉敗爲勝也。如是則德奧勝。德國雖勝。欲使乘新勝餘威。對于青島。而興問罪之師。軍火之運送不便。糧草之接濟爲難。非奔突乎歐州大陸者可比。彼波羅的海艦隊。不能得志于日本。其明鑑也。况英法戰敗割地。必不在其本土。而在其屬地。如安南緬甸香港。皆可割讓于德國。以爲根據地。德人亦喜見東方無列強競爭。何苦不承認日本之勢力。以暫爲敷衍。而日本亦即棄英日同盟。進取揚子江。而以法人之雲貴舊勢力與德人爲利益之交換。如是則德日將棄仇釋怨。言歸于好。彼俄日因滿蒙關係。屢訂密約。青島之役。何殊於遼東之戰。此次興師。眞日本之絕好機會也。

就以上二說觀之。無論歐洲戰爭之終局。孰爲勝。孰爲負。或縮短。或延長。皆爲

日本之利益。而爲我之不利益。可斷言者。何以知其然也。日本自維新以來。朝野上下。殫精竭慮。咸以支那大好山河。徧地珍奇。非俟有機會。以羅置於腕力之下。則日本終爲世界一有名無實之島國。且必有經濟缺乏之一日。今則歐戰沸騰。時機已熟。狡焉思啟之日本。正如飢鷹脫籠。餓虎出柙。有不可稍爲遏止之勢。故始而有日支議定書之發布。繼而有拓殖新報之解決。近則反對現內閣之政友會。將來對中國之政策。已決定方針。試披露于下。

(一) 日本與中國聯合。以免中國受外人脅迫。及侵畧領土等事。

(二) 日本于南滿洲及內蒙古等地方。應與中國共同行使其統治權。

(三) 對於中國之軍事財政兩項。日本如有所幫助。須有協商。且加中國之改良政治改良行政之日本人亦同。

(四) 中國應准日本修築直達北京之要路。及延長山東鐵路。以便與京漢鐵路相接。

（五）將來中國如果確係富強。不須外人之幫助時。膠州灣可于租借期限未滿之前。交還中國。惟現時尙須少待。

嗚呼。政友會爲日本反對增師之黨。然其所主張。較之日支議定書。與拓殖新報。更覺奇巧。更加微妙。是其朝野上下。凡所以預備討論對華之政策。惟恐其不至。惟慮其不思。夫政友會反對增師如彼。而對華主張如此。彼蓋以日本乘此時機。不必增師以重民負擔。即此現役兵二十三萬。已足踏平支那各行省。而有餘。而我國上下。所相聚以爲談資者。或望協約方面勝。或冀同盟方面勝。以作我護符。藉以牽掣日本。我國人心理。如斯真去朝鮮不遠矣。

夫治國猶治家。家道雖中落。然必商諸弟兄。謀及子孫。處置之法。方能得當。若望鄰里之協助。或路人之援引。家道必不能興。反促之亡也。我國雖賴列強均勢。苟延旦夕。然譬之則鄰里路人也。不求自強。而祇思賴人。危險之機。卽伏于此。日本向亦牽于均勢。稍戕其野心。近則如脫韁之馬。毫無羈絆。青島之役。是

其明証。日本豈不知青島之在中國。爲局部關係。非全部關係。所以不惜犧牲若干生命。拋棄若干財產。必欲奪諸德人之手。以耀勇武者。一面欲借此以見好英人。一面又欲假此以威嚇俄人。使之對日本忍氣吞聲。熟視之無可如何。而後乃得以亡我局部者。亡我全部。故日英新協約告成。一日。日本對揚子江之英國利益。不得侵犯。一日。英國對日本山東之行動。不加干涉。此日本對英戰勝後之預備也。日俄協約亦復喧震耳鼓。爲俄人戰勝後之預備。使英俄盡爲日本防禦品。日本對我之政策。方順行無阻。而我舉國皇皇者。惟以歐戰勝負。作我屏障。甚或有求于美國。謂太平洋東岸之美國。必不肯拱手將太平洋西岸主人翁之權。讓諸日本。然美國自威爾遜民主政府成立以後。遵守其門羅主義。不出南美利加以外一步。一菲律賓。且議放棄。今乘歐洲多事。美或利用機會。經營巴拿馬墨西哥。以達全亞美利加之目的。此外欲使變門羅主義。爲攻取主義。與日本以于戈相見。美人現尙無此預備。卽日美有事。對我亦屬

外交問題。非內政問題也。

况日本對我政策。愈出愈奇。或用侵略手段。或用老練腕力。一術恐難收效。易之以他術。務使受者不驚。而得者不危。此中日同盟之說所由發生也。夫歐戰未起以前。倡中日經濟同盟說。歐戰既起以後。又倡中日攻守同盟說。攻守同盟之奸術。彼亦嘗用之于朝鮮。曾幾何時。朝鮮即因此喪失國家資格。故日本對朝鮮總監送行之日。即有預備對支那總監送行之誇耀。言猶在耳。夫豈能忘。此我進步黨所以對中日同盟。極端反對。並表示吾國今日唯一問題。爲內政問題。無所仇于外人。亦無所賴于外人。對於同洲同種之國民。固爲相當之敬禮。即非同洲同種之友邦。亦自爲同等之待遇。願我同人。懲前毖後。急起直追。幸勿墮日本奸計。使我神州。萬劫不復也。

今者日兵赴歐。其說盛倡。無論日本兵力。能否赴歐。與歐洲肯允日本出兵。此另一問題。近聞法蘭西殖民團體社員決議。關於日兵來歐之報酬。世間頗有

割與印度及中國之傳說。吾人極端反對。然則中國土地自有主權。割讓亦須由我割讓。應酬亦須由我應酬。何物老奸。乃因同盟協助之關係。即倡此隨便交換我土地之論調。外人眼中。幾無中國可知。吾猶不知自傲。日惟以某國勝有利於我。某國敗有害於我。枉費推敲。可痛亦可憐也。吾國際改革以後。萬機待理。必十年生聚。十年教訓。效越王句踐之堅苦卓絕。則龐大之睡獅。方有猛醒之一日。最要者勿希冀。勿推諉。先須將依人成事一念。從此打消。吾國內事。即須吾國內人。協力整理。對於青島日本行動。尤宜刻刻注意。不可輕放。

(一)宜使撤退戰線內之軍隊也。日本宣戰時。曾聲言爲保持東亞和平起見。夫保持和平。惟軍隊破壞和平。亦惟軍隊。今青島失陷。戰事終了。所謂德人擾害和平。已無事實。而仍按兵不退。胡爲者。

(二)宜收回膠濟鐵路管理權也。膠濟鐵路。係商辦性質。非國有性質。戰事方殷。日本爲軍事便利。強爲佔據。今軍事消滅。照常開車。對於鐵路。已無必要。


而乃變易名稱。視若已有湖爲者。

(一)人民損害宜令其賠償也。南京戰事。日商二人。爲流彈所傷。乃辱我軍隊。踵門謝罪。日軍自龍口登岸。擄掠我財產。殺戮我人民。姦淫橫暴。日有所聞。對彼則無理要求。對我則借辭搪塞。公法具在。何事多言也。

(二)此後青島宜速籌處置法也。日本對於青島。爲無條件之交還。一再聲明。日本敢失信於我。或不敢失信於天下。將來或開放。或收回。主權所關。無俟公訴。我國外交。種種困難。人民後盾。義不容辭也。

如此交涉而勝。吾國之福。交涉而不勝。吾國之禍。無論或爲禍。或爲福。吾國人宜振刷精神。使我五區國旗。光耀世界。被土耳其一歲之中。一再戰敗。而一再出師。今因宗教上種族上與別種關係。又下動員令。助德人以侵英俄。毫末計及同盟方面勝。或協商方面勝。預留一下台地步。我國對之。能無愧色。爲今之計。一面宜扶助政府。修明內政。一面又宜援助政府。活動外交。均勢不足爲恃。

獨立方可有爲。學校爲造就國民機關地。世界有強民。始有強國。諸君子其
勵吾國民。從事於國事。



教育爲立國之本（教育會演說詞）

鄙人對於教育。素無研究。惟就愚見所及。貢獻於諸君之前。幸垂察焉。國家者。係集合多數人組織而成者也。國家既由多數人構造而成。必多數人之智識與能力。足以備國家之運用。而後國家乃立於不敗之地。多數人之智識與能力。非生而有者也。欲增進其智識。擴充其能力。非教育不爲功。即如日本。路途販夫。多能識字。閩門婦女。強半知文。故明治維新數十年。人民鼓其智識與能力。遽爾躍入強國之列。我國在前清時。以文章取士。父兄對於子弟。激於博取功名之一念。尙早爲延師入學。以期增長其識力。及改變學堂後。官吏不盡由學校產出。父兄造就子弟之熱度。爲之頓減。故一入各鄉鎮。幾有數十戶。或數十百戶。無一通曉文義之學子。其弊在改變之初。專注重中學以上之學校。對於小學校。幾無人過問。遷延至於今日。舉國識字之人。較之前清時。日見減少。而創設學校。難於創設私塾。聘請學校教員。難於聘請私塾教讀。而入學校之

用費尤多於私塾用費。因此種種困難。學校愈不能發達。入學之人亦不能增多。國家之危險。孰甚於是。

試充類言之。內亂芻蕘。非病也。外患頻臨。非病也。惟人民智識日塞。能力日薄。乃爲國家之大病。欲祛此大病。雖有扁鵲。亦必從普及教育入手。欲教育之普及。亦非絕對難能之事。謂人生自田間。頗知鄉間之情況。一般人對於學校。疑信參半。視學校爲洋學。視學生爲洋學生。已爲學校生莫大阻力。而主持教育者。又懸一理想上之教育。嚴格苛求。一則曰完全。再則曰完全。稍不合吾理想上之資格。即爲之拒絕。寧使不成立。不使不完全。遂令地方辦學人員。雖有熱心。畏法令拘束。亦廢然思返。彼日本明治二十四年。文部大臣對於小學之訓令。謂法令條規。過於煩細。却爲實行之障礙。我國小學教育。偏欲完全。以阻教育進步。致令一般人民。頑固者視爲洋學。而不敢入。稍通者亦苦於無力辦學。而廢止。伊誰之過歟。

故爲今之小學教育計。第一先須去辦學者之畏難心。凡事見爲難。則不肯踴躍爭先。若視爲輕而易舉。簡而易行。又爲極有利益於社會之事業。則謀着手開辦者。當必有人焉。至小學校之開辦者多。則聞父老亦以耳濡目染之故。一轉移其視爲洋校洋學之觀念。樂將其兒童送入學校肄業。由是逐漸推廣。小學不患無發達之一日。惟現在所困難者。第一在經費之難籌。無米之炊。巧婦難爲將奈何。欲去此困難。

(一)宜改良私塾也。英吉利之國庫。爲世界最富。然其國內私立小學。猶倍於公立小學之數。歐洲各國。私立小學發達之原因。類由宗教家本其慈善性質。竭力經營。故能收此良果。我國既無此財團法人之成立。則私立小學亦惟恃富室與巨商之急公好義。然爲數復屬寥寥。計莫若就原有私塾。改良而擴充之。以圖逐漸進步。合於小學之程度。并爲謀一永久繼續之法。按教育統系上。私塾實妨害學校之發達。然多一私塾。即不啻多一私立小學。造就若干

識字之人。滅除若干不識字之人。此亦救濟之一法也。

(二)宜推廣二部教授法也。歐洲各國。如法如德。無不實行二部教授法。以爲教育之補助。卽所謂半日學校也。就原有之小學校附設之。早晚授課。時間亦無衝突。最爲便利。今日教育困難。已達極點。生事多艱。年長失學之人。所在皆是。求其能入學校者。亦不過百之二三。惟二部教授。施行較易。舉凡校舍器具。以及教員。皆能用其一。以供二部之用。則需用之經費。卽能節省一倍。半日謀生。半日授課。教與養兩不相妨。而窮鄉僻壤之子弟。亦能困勉就學。其事甚簡。其効易普。救濟之方。莫良於是。

(三)宜推廣單級教授法也。吾國小學。不見發達。鄉僻地方。其入小學之兒童。人數甚少。而學齡學年學業。參差不濟。既不能組織多級學校。則組織單級小學。亦足濟其窮。而此種學校之教員。往往不諳單級教授法。武斷錯雜。顧此失彼。使兒童徒耗光陰。不能得相當之成績。其足以阻滯教育之發育者甚大。

惟有特設單級教授傳習所。專意考求。使教授法先改良。然後可言其他之改良。現我晉已設立單級傳習一所。以謀教育之普及。近又提倡分設六所。此實我晉小學前途幸福。一俟畢業生回縣之後。在縣另設所傳習。招集闔境小學教員。分期分班。入所傳習。並可在暑假期間。開短期單級教授傳習會。俱須注重實地練習。以期收效之易。此亦救濟之一法也。

如此則教育之途稍寬。辦理之法尙易。經濟困難。可藉此稍有伸縮之餘地。而義務教育。亦可徐謀普及。義務教育者。實今日唯一無二之根本計劃也。爲吾國之教育計。不急於設立大學。以養成少數之學士博士。而急于遍設小學。以造成多數之有知識有能力之公民。誠以一國之大勢。非少數人所能轉移。必全國之人程度日進。而後國勢乃能澎漲于外。故覬國者恒以人民識字之多寡。以定國勢之強弱。惟居今日而言義務教育。其困難之點有二。

(一)現有之學校過少也。查內地二十二行省。除蒙藏之教育。尤屬幼稚不

計外。所舊有州縣。凡二千六百有奇。人口約四萬萬有奇。平均計之。每縣應有
人口二十五萬。以十分之一爲學齡內之兒童。尙應有二萬五千人。以五十人
共一校。一縣應有學校五百所。乃能謀教育之普及。我省各縣學校。鄙人不甚
詳晰。據所傳聞。除十數縣外。多者不過四五十處。少者僅一二十處。每校祇十
餘人。或二十餘人不等。如此而言教育普及。是何異聾者欲使之聽。盲者欲使
之明也。

(二)現在之教員缺乏也。每縣既應有學校五百所。則教員之數。至少須七
八百人。前清辦學之州縣官。不知培養教員。爲學務之要政。或僅辦過六月畢
業之養成所一二班。以圖塞責。或並此而無之。以致合格教員。寥寥無幾。即以
我省言之。前清諮議局議決。設師範學校四處。現在省城河東潞安大同。雖皆
成立。省城師範學校。尙有五百餘人。餘三處人數尤少。一縣須教員七八百。約
計一百餘縣。須教員七八萬。四處師範。又不甚發達。平均每校以三百人計算。

三年畢業一班。祇得教員一千二百人。如是則百餘年後。教員尙不能足用。俟河之清。人壽幾何。彼歐美當十八世紀末葉。各國視師範。不甚注意。不五十年。舉世同調。此無他。非常之原。黎民惶焉。効力旣彰。乃靡然從風也。此急宜設法補救者也。

際此優勝劣敗之時代。以我國受教育極少。識力極弱之人民。欲與各國無人不受教育之國民。爭勝于現世界。何異用卵擊石。驅羊抵虎也。是惟有先從淺近着手。一面改良私塾。一面推廣二部教授法。與單級教授法。以求能識字之人日多。完全小學。有力辦者提倡之。無力辦者變通之。地方自治。辦有頭緒。再調查年齡。實行義務教育。而教員之孕育。必遲之數年。或數十年。方能足用。非一蹶所可收効。徐徐以圖之。節節以進之。教育或不至終見頽敗。風雨飄搖之國家。舍教育而外。恐無別術可以奠之磐石也。尤有進者。人民之識力。固隨教育爲進退。而識力之臧否。又隨學風爲轉移。學

風之高下。關乎國運之隆替。無論小學校高等以上學校。皆須注意者也。我晉學風。革命以後。頗見不靖。辛壬春冬之間。司法界有限於三年法政資格。則相率而學法政。以致兩月之間。法科繼續開組七班。教室無隙。又補開夜班。招考時。每組一班。報名投考者動千人。其後政府對於法廳。取消滅主義。裁撤法廳。祇留省有則。又紛紛散去。幾不成班。一時學風不靖。有不可諱言者。見一幻象。認爲真在。及今思之。亦莫名其妙。然過去之潮流。不能概現在之境地。今則循次求學。一還真我。罷學之風。我晉不聞也。閩堂之學。我晉不見也。循是而行之。學業之造就。自不可限量。能潛心。始能明理。能明理。始能致用。王陽明之身體力行。此物此志也。

大總統之申命曰。治國猶治家。然家雖貧。子孫愈不可以不讀書。國雖弱。人民愈不可以不求學。其恐人憚于貧弱而廢學之意。流露言外。夫貧弱固國家之病。必使人人有普通智識。與自治能力。則貧弱之病。可以立醫。若家雖富。而子

孫荒于嬉。國雖強。而人民怠于學。其病乃深入膏肓。不可救藥。譬之國家者。即人之身體也。教育者。即人身之血脈也。人身之血脈不流通。人必死。人民之識力不滋長。國必亡。在前清時。都市尙多弦誦之聲。鄉里不乏延聘之師。而識字之人。比較各國。尙不及十分之一。今則學校之數。寥若晨星。宜如何整頓。如何提倡。人民始得收教育實利。復以純潔之學風。摩厲之。以期有利于國家。不偏不倚。尙實尙武。豈不懿歟。

吾國教育。日形退化。多方設法。猶懼小逮。乃者有人因揣摩而生誤會。因誤會而上條陳。竟主張廢除學校。恢復私塾。以圖節省經費者。前者吾所謂之私塾。乃改良之私塾也。亦必須合乎教授法與管理法也。教育所最重者統系也。教育無統系。則小學可參入高等講義。高等可雜入大學課程。究其極凌亂無次。講者枉費口舌。聽者徒亂腦筋。實際上之利益。毫不能收。反于教育上生莫大障礙。讀一月一日之申令。無論主持者。管理者。教授者。皆須一意遵守。勿怠勿

忘。教育前途。庶幾有豸。吾國內憂外患。相逼而來。國勢岌岌。僥焉不可終日。已匪伊朝夕。猶能踟蹰。柱不遽淪亡者。吾先民之學說教義。深中人心。蔚爲風氣。國民之精神猶在。國家之命脈尙存故也。故教育以精神爲上。形式次之。教育有精神。則學風端。學風端。則人心正。人心正。則國本固矣。如是則知識不流于乖僻。能力不涉及狂背。國家有患。羣起而抵禦之可也。今進步黨派員四出。分頭演說。雖不盡關乎教育事業。然其主旨。要在正人心。固國本也。鄙人雖不材。願隨諸君子之後。爲教育謀幸福。爲國家効微勞。

政黨與國家前途之關係（晉支部歡迎演說詞）

本部今派員分赴各省。演說救亡大計。聯絡同志。一致進行。期免目前之浩劫。以享日後之光榮。鄙人忝膺本部委託。為銜命各員之一得。與鄉人君子相對一堂。為長日之傾談。作前途之商榷。私衷竊幸。有未可以言語喻者。鄙人旅居京中。與吾黨本部諸公。接洽較久。政治趨勢。聞見較詳。謹掬愚忱。以貢獻于我父老兄弟之前。且聊以盡本部委託之責任焉。本黨今日所處之地位。與國家之關係。若車之有輪。舟之有楫。行止相偕。有不可須臾離者。國家之機關在中央。擁護國家。即不能不先從中央着手。惟改革伊始。百凡草創。中央之行動。諸多困難。雖有

大總統之英武。百執事之贊助。然亦不能不藉重于國民。吾黨俱屬國民之份子。凡可以輔助中央。保護國家者。無不瀝心瀝血。匍匐奔救。以冀補救于萬一。去歲國會紛擾。江南鼎沸。吾黨維持之力居多焉。惟從前之經歷。既顯著成效。

而此後之維持。更責無旁貸。吾黨自三黨合併後。雖有種種原因。進步尙緩。然共和國家。究不能不有政黨。促政治之進行。爲社會之前驅。今者立法院召集。有日矣。國民會議選舉法。行將公布矣。既有代表民意機關。即可由此機關。產出憲法。而後根據憲法。召集國會。吾國憲政。必有放光明之一日。吾黨維持國家。亦必有達到目的之一時。國家無險象。政黨自不患無活動之餘地也。

自經去歲議會解散後。各黨亦同時陷入沉寂之境。地方人民。並視政黨爲危途。偶一談及。如談虎色變。不欲聞問。此皆由政黨幼稚。不慣打擊之故。試一緝閱政黨史。各國之政黨。亦無不由此經過也。凡一國政黨之成立。必經歷數時期。而後根基始固。其時期之經過。一爲胚胎時期。一爲激戰時期。一爲挫折時期。經此數個時期。而後政黨乃發揚蹈厲于世界。爲國家宣勤。爲國民造福。此非政黨一經組織。卽能博此成績也。而政黨又不論專制政體。與共和政體。其經歷如是。其成績亦如是。試舉一二國政黨史。以例其餘。

英國號稱憲政鼻祖。政客發佔全國人數十分之一。其胚胎時期。遠在十六世紀以前。及十七世紀。騎士圓顛兩大黨。互相離合。以致國王惹米斯二世。不安于位。此政黨激戰時期也。厥後喬治三世時。保守黨與進步黨。俱見衰弱。此政黨挫折時期也。迄一千八百四十五年。自由黨保守黨交握政權。而英國遂以政黨政治名天下。

美國政黨。胚胎于謀脫英國羈絆時代。及國基甫定。聯邦共和。屹然對峙。雖盛頓歿。聯邦黨以內訌而衰。查費孫被舉為總統。反對者不為聯邦黨。而為共和黨。因存廢奴隸制問題。遂啟釁端。此為政黨激戰時期。共和黨戰勝。飛揚跋扈。無所不為。加腓爾赫次相繼為總統。懲政黨專橫。力為裁制。此乃政黨挫折時期。及羅斯福威爾遜出組政黨。而政客愈穩健。國勢愈膨脹矣。

以上英美二國。經若干時期。踰若干階級。政黨始著偉大成效。若德意志。若日本。其政黨之經歷。亦具有同一狀況。我國政黨。除同盟會為秘密結社外。在前

清末葉。如請願國會同志會。如憲友會。如實進會。如辛亥俱樂部。始具政黨雛形。及辛亥革命後。政黨林立。國民黨與非國民黨。竟爲劇烈之爭。舉各國經歷之三時期。同時並現。當時政局。幾有風雨飄搖之感。

大總統遠鑒外史。內察國情。不得已乃下解散國民黨之令。又以國民黨亦非盡暴烈分子。通飭各省將軍巡按使。妥慎將事。勿稍株連。又恐人民誤認爲摧殘政黨。遂相戒不談政治。故多方曉諭。多方維持。今之派員演說。是欲引起全國人民政治興味。爲社會謀樂利。爲國家求幸福耳。乃一般人民。談及政黨。非掩耳而走。即拂衣而去者。其原因雖甚複雜。要有三派人焉。

(一)守舊派。平日既無國家觀念。又乏政治能力。惟濡染舊日學說最深。謂不在其位。不謀其政。大有與人無求。與世無爭之概。及聞今日政黨。旗鼓大張。又援引典籍。發爲言論。以爲宋亡于元祐。明亡于東林。天下本無事。庸人自擾之。此派在社會上。頗佔有一部分勢力。凡鄉間之冬烘先生。與一般父老。對於

此派人之一言一動無不奉之爲典型。故其消極言論最足打動人之趨避心。而政黨遂于無形中受此派之毀折。不能發達。此甚可嘆者也。

(二) 冷靜派。方清政不綱。國勢岌危。亦曾伏闕上書。陳述意見。呼號同志。開會討論。凡可以改良社會。促進政治者。無不竭盡心力。以冀補萬一。及至去歲。政黨搗亂。如人口實。滿腔熱血。驟而灰心。則向之熱者。反趨于冷淡。向之勤者。轉變爲靜默。此派之人。多係優秀份子。志願宏大。因激于感情。不能用事。若聽其間散。不復報引。小之則地方事務無人維持。大之則國家政治。問誰討論。憲政前途。殷憂甚大。此不可不注意者也。

(三) 清流派。或謂人心險詐。不足與有爲。或謂我本無才。不能應世變。益以革命之後。各省騷然。假新政以謀私利者。盡是偉人。藉黨義以傾國家者。無非志士。縱有大力。恐難挽回。于是不聞國政。與世長辭。遂賦歸隱。非祇恐禍及其身。並恐禍及其子孫。此派在社會上。亦具有世界眼光。精密思想。非醉心利祿。

者可比。使能引之出山。相助爲理。尙不至僨事。且有益于國家也。

以上三派對於政黨。雖皆具消極觀念。然其中人物。又有多數可引爲同志。使不有以羅致之。勸導之。則政黨失却一部分勢力。政黨失却一部分勢力。國家即少收一部分利益。德相俾士麥嘗言曰。德之政治。不如英良。其根本上之贈款。亦以德之政客。比較英之政客。在全國究佔少數。政客既少。則督促政治改良之人自少。夫德之政治。與其政黨。在俾士麥爲相時代。已于世界上放異樣光彩。猶復兢兢于政客之少。爲之疚心。今日我進步黨。既爲國內之一黨。而其黨員中。真正對國家負責任。費心血者。乃居少數。倘長此不振。非特政黨從茲消滅。恐國家亦蒙其影響。嗟乎。國家興亡。匹夫有責。各國以有強健之政黨。國勢蓬勃。震耀世界。我國因政黨衰弱。以致効綿力于國家者。日見乏人。不能舉其所知。貢獻于政府。是誰之責歟。

或者曰。我國土地至大。人民至廣。禍患雖迫。未必即亡。政黨當求精練的。不可

求廣泛的。例如軍隊。節制之師。一可當十。烏合之衆。百不敵一。此語誠有理由。吾所望於多數黨員。維持國家者。非寬泛的。亦選擇的也。一鄉之中。必有材過十人者焉。一縣之中。必有材過百人者焉。推之一道一省之中。必有材過千人萬人者焉。材過十人者。吾黨員也。材過百人者。吾黨員也。推而至於材過千人萬人者。吾黨員也。求吾國之具有政治眼光。富有政治能力者。固屬最少數。苟寬其途以相待。則凡有一技之長者。皆可出而謀國。即世界各先進國之政黨員。亦未必人人皆福祿特爾。孟德斯鳩。盧梭。林肯也。政黨之爲物。以政綱相提携。以政見相結合。固爲原則。然亦有例外焉。例外者。非流俗所謂趨勢問題。黨員倚蒙此趨勢之心理。爲最惡劣最卑下一種性質。謝絕之可也。所謂例外者。因政黨萌芽時代。組織作用。俱未明了。政見之結合。一時尙不可恃。故暫留意于道誼結合。道誼結合。爲我國歷史上可常可變可窮可通之一種團結。非浮泛交際。所可比擬。由道誼上求結合。再由討論上抒

政見。而後不蹈黨員蕪雜之覆轍。爲世詬病。政黨乃得有健全分子。國家乃得收政黨利益。豈不懿歟。

我晉人之特長。政治思想。雖極薄弱。道誼交接。尙能講求。此爲黨員一種極好元素。即以商務一事証之。甲午之役。庚子之亂。損失已不下數千萬。迄辛亥革命。一省獨立。即受一省之攘奪。一縣光復。即遭一縣之損失。現已有岌岌不能自保之勢。乃猶變質以抵存款。破產以清債務。寧我受損。毋人被累。保信用也。信用即道誼之作用也。道誼之在人身。猶布帛菽粟然。布帛以禦寒。菽粟以充飢。道誼以作人。能作人。始不負人。不負人。始不負黨。始不負國家。故曰政黨發達時代。利用人民政治心。政黨孕育時代。利用人民道誼心。雖曰此政黨之例外。凡事不必求理論之充足。須求實際之完善。循是而行之。吾國政黨。不患根基不穩固。亦不必以乏材爲憾也。


本黨感時事之危迫。悚國勢之顛沛。欲安而不敢。即安。欲行又不能。獨行。故欲

員四出。分頭呼籲。惟希支部諸君子。廣爲聯結。互相提撕。以擴黨勢。以奠國基。藉以謀地方之利益。今乃以組織政黨。爲運動選舉。是未知政黨之作用也。我
國黨勢之不發達。推其流弊。不過有二種之自殺心。

(一)個人觀念之自殺。衆志方能成城。台謀始足濟事。若視人遠不如己。或
視己遠不若人。獨行其志。無暇他問。是爲個人觀念之自殺。

(二)地方觀念之自殺。國家之基礎在各省。政黨之基礎在地方。乃一省而
分南北。一縣而別城鄉。生長不同。趨向乃異。是爲地方觀念之自殺。

此二觀念。非殺黨殺國家也。國家係由國民組織而成。政黨亦係由國民組織
而成。扶植政黨。即所以扶植國家。若強爲遁分。以殺其勢。政黨不足惜。如國家
顛危何。吾黨在國中。頗蒙見重。對中央對地方。須積極盡其擁護之責。以無負
大總統維持政黨之苦心。嗟乎。內憂伏于蕭牆。外患迫于眉睫。補罅葺漏。責在
吾人。鄙人雖不材。願與諸君子共勉之。



商人關係國家前途之重（商會歡迎演說詞）

鄙人對於商業。既無學識。又無經驗。今有所欲言。又爲人人所常言。或爲人人所不屑言。惟既蒙諸鉅公不棄。故敢不揣冒昧。披瀝以陳。幸原鑒焉。今之世界。一商戰劇烈之世界也。始焉各以物產相賭賽。物產賭賽不已。又繼之以心智。心智角鬪不已。又繼之以武力。夫因商務而至以武力相見者。誠以商務關係于國家者大。故各國之言商務者。羣焉挾全國之力以相競爭。如歐洲此次之戰爭。乃大彰明較著者也。歐洲演此空前之大戰爭。各國雖因歷史上地理上種族上宗教上種種關係不同。而英人突然投入此漩渦中。就表面觀之。似爲海上霸權。恐爲德人攫取。而其實際。則在德人近三十年來。商業之澎漲。久爲世界各國所驚駭。倫敦市上。德貨尤日見其多。倘不乘此機會。出而打消之。德之經濟勢力。日益發展。英之經濟勢力。日益退縮。則海上霸權。將隨之有不牢固之趨勢。彼同盟之日本。亦藉此爲口實。對於青島戰事。宣言謂必將德人在

東亞根據地盡毀滅之而後已。夫德在亞東根據地。即通商根據地也。日本果何惡於德人。而爲此最惡毒之行動。雖日本別具野心。然亦安知非英人嗾使之利用之也。夫以商戰之勝負。不恤寡人之妻。孤人之子。獨人之父母。乞靈於最無情之礮火。斯亦可知所從事矣。

我國商業萌芽於神農時代。致天下之民。聚天下之貨。交易之事始興。雖幾經歷代沿革。而商業究屬狹義的。非廣義的。及海禁大開。經濟日困。始曉然於商之盛衰。關係國之存亡。一洗從前視商爲逐末陋習。商業始由狹義的變爲廣義的。此在前清時。已受外商激刺。而思有以抵制之。特其抵制之方法。亦頗難着手。其困難之點有二。

(一)爲條約之束縛。道咸年間。通商條約。屢經簽字。領事署副領事署。雜設內地。甲國稍占優勢。乙國即援利益均沾之說。以相詰難。貿易場中。阻力橫生。於是自由貿易說。乃不行於內國商人。而行於外國商人焉。

二一爲外貨之充斥。同始初年。凡外貨入口。人尙畧其外貌。審其內容。久之則見異思遷。購不能經久之物。爲一時眩人之計。一入五都之市。洋貨耀人眼簾。而內國商貨。反如鳳毛麟角。不可多見矣。光緒末葉。始議設商部。訂商法。與之抗衡。然已晚矣。

及革命告成。益尙浮靡。闊綽少年。與豐富鉅子。一切服御車馬飲食器皿。無不以洋造物爲美觀。以致每歲輸出額與輸入額之比較。相差不止什百倍。實物流溢于外。經濟界之枯涸。日益加甚。司農仰屋。羅掘無術。民間所需之現金。在在不敷分配。際此財政緊促時期。有欲改良幣制。發行紙幣。以濟一時之窮者。不知幣制與紙幣。皆被動的。非自動的。孰活動是。孰操縱是。非商人不爲功。商人者國家賴以行動之一大關鍵也。故商人之能力弱。則一金祇作一金之用。商人之能力强。則一金可作白金之用。有商人以作經濟樞紐。而後國家可常可變。可窮可通。商人具有此種能力。而不善行使之。擴張之。殊大可惜也。

我國商業日見退化。以致經濟勢力。不但不能蓬勃於國外。並且不能暢旺於國中。究其所以頹敗之故。大要不出此二原因。

(一) 習慣上之原因。我國承輕商積弊。商學素不講求。社會上一般心理。不願爲商人。但願作官吏。相習既久。演成風氣。視官吏如聖神。目商人爲市井。商人亦無志上進。不思振拔。金融日見澁滯。國事因之廢弛。輕商之念。現雖稍變。而比較做官之熱度。相差猶甚遠也。

(二) 保守上之原因。凡事不冒險。不能進取。商人尤須具此特性。以爭合優勝劣敗之公例。此在稍明商學者。莫不本此原理原則。以求日新月異。若望洋而返。或守舊不變。皆爲商業上一種大障礙物。急須革除者也。

綜觀以上二原因。直接害及商業者。間接即害及國家。國家之能否發展。全視商業之能否振興。以爲斷。而一般商人。復持消極主義。束手待斃。吁。不爲商業計。獨不爲國家計乎。譬之國家即汽車也。商業即汽車中之煤斤水量也。鳴笛

聲。汽車隨行。若行至中途。煤斤水量不足。供汽車之需用。則炸裂之患。頃刻可至。商業之關係。何以異是。

我晉在商界中。久負盛名。足跡所至。莫不交口稱譽。其所稱譽之特點。厥有四端。

(一)信用。商家遇變。恒多隱味。我晉遭甲午之役。庚子之亂。損失不下數千萬。仍按數賠償。無稍累人。特點一。

(二)堅忍。輕躁之行。商家大忌。我晉設一商號。勢苟不支。必持之數年。或數十年。以待轉機。歷盡艱苦。無或怨望。特點二。

(三)道德。非分之想。最碍商務。我晉則守其所固有。不涉及他事。庸言庸行。躬行實踐。特點三。

(四)規約。商家規約。最難持久。我晉則分號服從老號。老號聽命老辦人。雖屢易。無或紊淆。特點四。

夫我晉商人。本此種種特長。與社會相周旋。上自公卿。下及士庶。一與交接。莫不油然而生一諾千金之感想。舉凡詭譎手段。與狡猾心思。皆於不知不覺之間。對商人即消去大半。是商人非但可作社會前驅。並可作社會中堅。特其眼光。尚有抱泥。未能引而伸之。觸類而長之。經營祇限於國內。對於世界大勢。如隔岸觀火。毫不做懼。彼各國因商務上之關係。不惜實行鈇血主義。以作金錢主義之後盾。是其眼光如何。毅力又如何。埃及之亡也。亡於貧。朝鮮之亡也。亡於弱。我苟欲易貧爲富。轉弱爲強。非商人擴其眼光與毅力。戰勝於商場。恐別無他術。可以保國家之元氣。與各國爭富強也。

我晉商人之特長。既如上所述。然自革命以後。凡倡獨立謀光復之省分。與縣邑。直接間接。我晉無不受其影響。商務之損失太鉅。在在有破產之虞。票號也。當業也。錢庄也。非即時倒閉。即苟且支持。民國元年。聞在京各號。亦擬聯合改組。以圖補救。卒因各方面牽掣。竟成泡影。此雖晉人之安於守舊。難於維新所

致。然其病之所中。實因共同生活。素不講求。個人思想重。而公共思想輕。一界如斯。各界亦莫不如斯。例如各種實業無大公司。各項學校無聯合之組織。保晉公司。現亦無款不支也。同蒲鐵路。今已收歸國有也。凡關係共同生活之事業。熱心者少。冷視者多。團體之聯結不堅。公衆之收効自薄。個人生活。亦因公衆失利。日形危殆。譬如築室。一人負脊。三年不成。衆人舉簣。數月可就。此理甚明。無待剖解也。

由此以觀。商人非具有巨大眼光。與獨到毅力。必不足在二十世紀之商界上。占優異地位。即偶因時機之湊合。亦能獲得種種利益。然此不過一時的。非長久的。經濟界稍有變遷。商業之本身。即不能支撐。往往隨經濟界之變遷。一蹴不能復振。欲救此危險。非羣策羣力。急起直追。恐不足以爲功。故曰共同生活事業。在他界尚可徐徐以待。在商界尤有一日不可稍緩之勢。我商界諸鉅公。早有鑒于此。故創設商報。以開擴其眼光。提整其毅力。思有以救濟之。雖此中

有種種原因。不能發達。然大要不出消極之一念致之也。

凡事積極進行。雖不能即時收效。然得尺則尺。得寸則寸。終有起色之一日。若因感受諸般激刺。即抱一消極主義。偶一談及。無不拊膺太息。概以無可如何置之。夫滄海成于勺水。泰山積之拳石。我國商業雖衰微。尙不至一金難籌。一錢莫辦。彼各國之大銀行。大洋行。其先亦非出自一二人之力。必聚積多數股本。慘淡經營。以謀共同生活之發展。一俟獲得大利後。即一二人出其經濟力。亦可操縱一切。如美國之煤油大王。是其明証也。雖商人消極。亦由時勢趨迫。然英雄可造時勢。商人亦可造時勢。但視其眼光毅力如何耳。

夫我國普通心理。患在自小。人之小視我。我必怫然怒之。我之自小。我反多方怨之。國家貧弱極矣。我國人民。皆以爲國家財政關係。非一二人之力。所能維持。抑知國家者。係集合多數人組織而成者也。必多數人有術以富。國家自不患無術以貧。雖農界工界。皆爲富國之要素。然非商人出其資財。以流通其用。

途。農工界即因之閉塞。無活動之餘地。商人關係于國家。如此重大。而乃徒自貶損。不思擴其眼光。運其毅力。應現世界之趨勢。挽回其利權。出與世界各商相見。恐江河日下。欲維持現狀。亦不可得也。

尤有進者。我晉之人。有經商之特長。爲國內商界之巨擘。一切行動。有條不紊。非徒爲我晉人所公認。實爲全國人所公認。中國苟欲振興商務也。必以我晉人爲之前驅。我晉人亦不可以自餒也。若因近日商務凋敝。不惜舉數百年之培養。與其經營。一旦付之流水。而我晉在國中之崢嶸勢力。屈伏如轅下駒。頓失其自豪之氣。是自斲喪其本能也。况我晉足以自豪之點。有歷歷可數者。

(一)性質之相宜。南人好文。北人好武。惟我晉對於商業。素有講求。青年子弟。一出學校。即送入商號。練習其行動。而一般子弟。亦謹守規模。無敢或踰。故學習期滿。經營一切事業。自非鹵莽操觚者可比。此足以自豪者也。

(二)交易之有恒。朝行開市。夕謀騙人。苟有存款。即思潛逃。惟我晉商人。無

此等行爲。故在前王公大臣。與富厚官吏。無不樂與之交際。近雖賠累已極。而變貨以償欸。破產以清債者。尤時有所聞。此亦足以自豪者也。

我晉人既有經商之特長。又何不利用其長。而思有以振興之。况唐俗勤儉。又爲晉商根本立足地。及今爲計。夫豈無術。鄙人今承進步黨委託之重。願將進步黨之意思。要求國民同意。進步黨之意思。總以國家興亡。責在衆人。不在一人。必人人知有國始有家。有家始有身。一身之生活。即一國之生活。民不患貧。而後國不患貧。國不患貧。則民愈不貧矣。互相關聯。不能相離。我晉之商人。苟能急起直追。爲全國倡。商人興。則晉興之偕興。即國亦興之偕興也。就狹義言之。關係晉之興亡。就廣義言之。關係國之興亡也。責任所在。義不容辭。國事危矣。曷其勉旃。

實業爲富國之本（商會演說詞）

我國今日。爲現世界最貧之國也。究其致貧之絕大原因。率由人安於守舊。憚於維新。競爭之觀念。異常薄弱。何能在二十世紀之優勝劣敗世界。倖逃貧之一途。况貧亦非國之大病。惟一般人民。狃於習慣。舊者失其爲舊。新者亦不知從新。以致新舊俱昧。其真相。無一事能在實業界上。放異樣光彩。卽有三數品類。偶於賽會場中。博得優等獎勵。亦由先哲先民所留遺範。稍能領略其餘意。如仿古製造等類是。其有別具匠心。獨出心裁。如歐美學者之新發明。各種技能。蓋不數數覩也。我國土地如斯之大。人民如斯之衆。匪但對歐美諸富國。儼乎其後。卽區區三島之日本。相形之下。亦有貧富不同之慨。西人所以謂我在黃金山上。持盃討飯。語雖近諧。事實無殊也。故善謀國者。不貴好高而驚遠。貴在循名以求實。舉凡組織大公司也。設立大銀行也。開金礦開銀礦也。不得謂非最高尙之實業。然所獲之利益。仍在少數人。而於大多數人之貧富。無密切

關係。此種實業。既不能救多數人之貧。國家亦不能專賴此以致富。故國家致富之道。必視一般人民之平均財產額。與對外生產額之程度如何。以爲斷定。列列如下。

英國每人平均財產約四千元。

法國每人平均財產約三千五百元。

法國每人平均財產約二千九百元。

美國每人平均財產約三千一百元。

以上爲各國人民平均財產額之數。財產額如此雄厚。割人民之一部分與國家。則有用之不盡者。

英國每人對外生產額約百元。

美國每人對外生產額約五十元。

法國每人對外生產額約七十元。

日本每人對外生產額約十二元。

以上爲各國人民每歲平均對外生產額之數。生產額如此活潑。人民之收入。卽不啻國家之收入也。

我國人民財產額。據西人估計。全國富力約千萬萬元。以四萬萬人平均。每人約二百五十元。人民對外生產額。據民國二年。出口貿易約五萬萬元有奇。以四萬萬人平均。每人約一元有奇。實際上之財產額與對外生產額如此。與各國相差之數。列表對照。民焉得不貧。國焉得致富也。

我國之貧。譬之則人之病癆也。癆之起原。先由於虧損其元氣。傷耗其血液。浸淫既久。奄奄遂無生氣。及病勢既瀕於危。遽投以峻補之劑。匪但不能奏回春之效。反以促其壽命。欲醫今日之貧。亦如醫癆然。須用緩補法。不可用峻補法。峻補則興辦一切大實業。預計年可獲利億巨萬。然獲億巨萬之利。必先需億巨萬之費。萬此司農仰屋。民間告苦。款從何籌。勢必出於借債一途。借債亦非

絕對不可爲之事。如英國一千九百一十一年之借款。約有七億七千餘萬磅。法國一千九百一十一年之借款。約有三百五十億佛郎。所有款項。大都用於營運實業。故英法之富。遂震耀蓬勃於世界。我國豈無實業借款。所用於實業者。屬最少數。餘皆挪供他項需用。實業愈無發達機會。此峻補之過也。若用緩補法。擇其最簡便。最切近者。爲入手辦法。既可免款項之掣肘。又可免學習之困難。務使家家能爲。戶戶可辦。表面上雖無奇功異能之可述。而實際上之收効。乃得富國之無上上策。此緩補之功也。

况在我晉。甲午庚子。損失雖鉅。然因在社會上之信用。與營業上之能力。各方面努力支撐。舊日之根基。尙能保持不失。維時商人雖亦有因商號倒閉。被其牽累。然或同業招呼。或他號汲引。托親求友。尙易爲力。及辛亥以後。西北一帶。受外蒙獨立影響。東南一帶。被偉人革命蹂躪。山西商務。遂有一瀉不可復收之勢。以致蓬頭跣足。顛沛歸來。即一肩行李。亦被匪人攫去。雖我晉商人。素好

時藏一時失業。尙可苟延旦夕。倘不早謀補救之法。勢必漸漸淘汰。隱隱消滅。社會上將無晉人立足地。此大可駭懼者也。故爲今之計。勿再死守商業一途。以爲謀食之地。第一先須謀簡易實業。使不受款項拘束。第二尤須求淺近實業。使不畏學習繁難。此在實業家持高尚學說。必誹笑其因陋就簡。不合現世界實業競爭趨勢。然行遠自邇。登高自卑。鄙人竊以社會狀況。與高尚學說。每有不能相容之點。引而伸之。觸類而長之。非一蹴可能事也。祇就愚見所及。畧爲之陳述。

(甲) 關乎農業事項。我國本以農立國。來耕教自炎帝。井野盡自軒轅。而農事於是始興。及秦廢井田。土田日闕。前清時調查已耕之田。計達七千萬餘畝。若改良種植。畝增一元。計達七千萬餘元。現在每年開墾田。愈擴張。然歲入不見增加。而民間時憂乏食者。非地不膏腴也。彼美國三十年前。純粹一農國。俄自遼東戰後。舉國盡力於農。富力俱震燦全球。我則坐擁沃壤。不善利用。况吾

晉沿邊及內地。未墾之田甚多。若一面開闢。一面改良。失業商民。自易安插。徒以向日經商者衆。業農者寡。耕種之法。素未講求。一旦從事。亦多爲難。然農之種類。亦至不一也。

(一)棉業。農家以五穀爲大宗。五穀之外。厥推棉業。美國之富。甲於全球。即棉花一項。已佔世界產額十分之七。我國人口。約計四萬萬。每人歲需棉花一元。約在四萬萬元。而我國產棉之額。歲值二萬萬餘元。以我產額供我需用。尙不足二萬萬元。不足之數。仍購自外洋。漏額已在二萬萬元。我晉所產之棉。原質頗佳。每畝歲產百餘斤。每斤以三角計算。每畝一歲收入。已有三十餘元。稍加改良。獲利自倍。似此則家種十畝棉。卽食着不盡矣。

(二)絲業。東南宜絲。西北宜麻。此爲注重天然利益。而不注重人爲利益之論據。卽以日本言之。在五六年前。日本所出之絲。與我之輸出。俱爲八千萬餘元。近來日本輸出。突增至一萬萬七千萬元。我則僅爲一萬萬三千萬元。超過

之額。已達四千餘萬元。豈日本宜絲。我不宜絲耶。蓋日本於栽桑養蠶。加意改良。我則故步自封。毫無進步。我晉蠶桑。盛載詩歌。一則曰彼汾一方。言採其桑。再則曰肅肅鳴羽。集於苞桑。迄至讀其詩。猶想見桑蠶遺風。乃一行晉野。幾有數十百里。不見一桑林。抱布買絲。反成稀事。着手於田畝之旁。收効於婦孺之手。昔無衣。今五袴。一轉移間。即可作富家翁也。

(乙) 關乎工業事項。吾國之工。發達最早。即今掘得一土缶。或搜得一瓦器。而花紋精緻。式樣奧雅。得未曾有。若其他古鼎古盤。奇形怪狀。歐美博古家。爭欲一覩而不得。延至今日。不但中國舊日所無之工業。爲彼等競爭目的物。即中國舊日所有之工業。亦爲彼等競爭籍制品。一入各商埠。各都會。無論消費品。遊戲品。陳列品。建築品。互相比較。俱不能凌駕他人之上。即我日用之一部。或全部。靡不仰給外人。憂時之士。擬從工業教育入手。以思挽回其利權。然從學理上闡發之工業。必培養數年。練習數年。方能爭勝於世界。今爲一般失業

商民寬籌生路。愈尋常。愈普通。愈易收効。若吾等所設之官立工藝局。公立工藝局。與各縣所設之工藝局。規模猶覺其大。惟求用人無多。需款最少者。使之從事。無經營之苦。而有衣食之樂。此爲現在救濟之不二法門。小工業之種類若何。

(一)紡織業。棉布用途最大。無富貴。無貧賤。俱不能離。故世界紡紗業。英國四千八百萬鍾。美國三千萬鍾。德國一千萬鍾。法國七百萬鍾。日本二百萬鍾。我國僅四十餘萬鍾。以四萬萬人勻配。不足之數甚多。每歲輸入幾近二萬萬餘元。若議設立紡紗廠。以補其缺。恐再遲數年。亦不能塞漏卮。惟有人自爲紡。家自爲織。市場即有變遷。需用亦無停滯。再出其棉絲棉布。以交換物品。運用自綽有餘裕。生者既衆。用之自舒也。

(二)手工業。國家大患。莫過於游民日衆。小之流入餓殍。大之變爲盜賊。天生一人。必有一人之用。謀生不必在大也。如陶器業。如砂器業。如編織製造業。

但使有利可圖。即爲工場之變相。彼工藝發達之日本。在大阪市上。爲該國最大工場屯聚地。詳攷其大小工場。共有一萬二千所。而規模較大者。祇有百餘所。餘則盡爲極小工場。此工藝發達之極大原因也。以手工代機械。既免購機之苦。又獲裕民之利。一人精一藝。即可養一家。奚必坐賈列肆。方能致富也。以上所述農業工業。皆注重在小實業。俟由小實業。引起全國人實業興味。再擴而張大之。所謂棉業絲業紡織業手工業。亦略舉的。非概括的也。國家興辦大實業。必政府與人民。共同負維持之責。在政府方面。須籌設高等農工專門學校。與完全農事試驗場。及模範工場。在人民方面。須籌設初等農工學校。以造就實業人材。而後我國實業。方有起色之一日。進步黨對於教育。注重實利主義。蓋必先備有實業人材。然後能供給社會需要。而個人經濟。社會經濟。國家經濟。亦沿是日臻澎漲也。歐美教育學者。嘗調查由小學或中學畢業生徒。多以不能謀生爲口實。乃於課程中。增設紡績裁縫農田園圃金木土工諸科。

近來又研究種種補助方法。務使小學畢業生。徒。其未循序肄業。高等或大學者。皆有謀生應世之方。而不憂坐食。生利者多。而分利者寡。國未有不富者。天下事貴審機。尤貴察勢。現世界之機勢。群趨重實業一途。各國俱挾全力。以求日新月異。語云。人惟求舊。器非求舊。則新尙焉。我國人之心理。向有官熱之癖。一旦失業。恒謀食官飯。以了此餘生。孰肯乘此時機。竭其心力。以求新天下之耳目。國以民爲本。民富則國富。富民之術。厥惟實業。諸君子如不河滙斯言。請各奮勵精神。爲吾國實業倡。

憲政前途之進行（陽曲教育會歡迎演說詞）

鄙人今承進步黨之委託。得與諸君子相晤。樂孰甚焉。今本當對教育有所貢獻。惟念教育不發達。皆由憲政不進行。不自揣察。聊將憲政一爲之商榷。今之一般論者。動謂我國真正憲法。不能產出。即真正憲政。不能進行。此言初聽之。亦言之有故。持之成理。然彼所謂真正憲法。仍學理上之研究。每以世界君主國。應以德意志日本憲法爲正軌。世界民主國。應以美利堅法蘭西憲法爲正軌也。究未推測各國憲法之精神上注重之處。何以仍多不同之點。且必有不

同之點。而後憲政乃進行順利。此中之妙用。蓋由各國歷史上風俗上人情上習慣上種種關係不同。知其不同之點。再斟酌學理。規定憲法。而後憲政乃無流弊。且憲法死物也。吾聞維爾遜之論美憲曰。憲法非完全之制度。不過爲組織之初步而已。其所建設之政府。分立法行政司法。于行政。則以一人爲首。而規定其選舉與任期。以及權利與特權。于立法。則列舉其權限。及二院之組織。

與選舉。于司法。則付以解釋憲法之高權。及規定法官之任用。與保障憲法之業。于是止矣。且至此而止。正其用意之所在。此外之運用。全視乎政府與人民之能力。

我國憲法。雖未產出。方上年國會開幕。與地方自治之實行。表面上比較各國憲政。亦無大遜色。乃竟如曇花一現。旋生旋滅者。又必責備政府之摧殘憲政。不欲實行立憲。然憲政亦非一蹴可臻完美者。故政治會議約法會議。與其參政院。皆相繼成立。今則立法院之選舉。已通令籌辦矣。地方自治試行條例。已相繼公布矣。國民會議之選舉法。行將通過實行矣。政府之種種籌備。亦為憲政謀妥善之進行。而論者猶以解散國會。取消地方自治。為政府詬病。試平心論之。使當日之民氣。聽其熾中。不稍加遏抑。日聞叫囂之聲。日見攻擊之事。一切政治。皆被其牽掣。不能進行。此亦非國家之福也。

大總統憂之。毅然決然。解散國會。取消地方自治。謀所以從新組織。與民更始。

亦係俯順人心而出之。非違反人心而出之也。乃我一般國民。自信心異常薄弱。見夫國會搗亂。與自治紛擾。概以程度不足。或資格不備置之。夫憲政必具有如何程度。與如何資格。始能收完滿之效果。恐即求之憲政具備之各先進國。亦無一定之界限也。囂張之民氣不可有。冷靜之民氣亦不可有。民氣亦有軌道焉。循是而出之。而後國家乃能磅礴震耀于世界。可以弭內亂。可以禦外侮。憲政乃隨之進行。如順風揚帆。毫無阻礙也。

夫國家之能否立足于世界。全視國民之自信心。而國民自信心。又隨國民生氣噴湧而出。試問各國立憲政體。專為對內乎。抑兼對外乎。對外而無民氣為後盾。徒恃一元首有雄材大畧。險孰甚焉。此等自信心之薄弱。原由數千年專制政體。冶鑄而成。本牢固而不易破除。陡為世界民權膨脹之潮流所衝溢。遂如炸藥之爆烈。無範圍可以拘束。政府不得已。用威權壓制之。乃遂歸復原有性質。又益以畏懼心之震動。與自信心之薄弱。互相結合。生氣遂全喪失。當此

二十世紀。非甲國與乙國爭存亡之世界。乃甲國國民與乙國國民爭存亡之世界也。諸雄國皆改專制政體。變爲立憲政體。原因即出于此。而列強以生氣活潑之國民。來相肆應。我以毫無生氣之國民。相與對待。不俟戰爭。已知處于失敗之地位。且如此等狀態。即有數條良好憲法。無稍異于列強。亦如嘉禾植諸北冰洋。縱歷萬劫。不能蕃殖也。則國民生氣。與憲政進行。有密切之關係。若藉口於解散國會。取消地方自治。爲遏抑一般國民。則大誤矣。今如前此一切政客。復出而籌議一切強國要政。不涉激烈。不流狂背。沉氣潛心。爲國家謀幸福。爲地方求治安。決不至再有遏抑之事。以貽人口實。此徵之各國歷史。而敢斷言者也。

美之大總統華盛頓。聯邦黨也。主張中央集權者也。而國務總理查費孫。共和黨也。主張地方分權者也。適與華盛頓立于反對地位。以華盛頓之勢力。詎不能取消共和黨。以廢查費孫。乃反養其資格。俾爲再任大總統。蓋英雄作事。原

無成見。只要國民心理能得半數之一致。雖與己意不合。亦不固執所主張。德之維廉第一。日之明治天皇。雄材大畧。近代君主國所希見。其開明專制之精神。直煥露于歷史而不能掩。然當維廉第一時代。而德國黨派之衆。幾爲世界各國所無。以維廉第一雄才絕倫。性好專制。何必養此無數政敵。而不盡行剷除。蓋以憲政施行。需才孔多。只要不爲背叛國家之舉動。雖其議論紛歧。亦可姑備一格。不以芟絕手段。輕傷民氣。日本明治時代。所有內閣。類係人材。而更置乃若奕棋。皆由于民黨攻擊。非出自天皇本意。夫明治天皇。其愛國當無異于其國民。其偉識當高于其國民。奈何不竭力以維持其內閣。而輕于俯從輿論。殆因以堂堂之鼓。正正之旗。來相詰問。其衷懷雖苦。而憲政之進行。計不得不勉強以聽之也。此皆世界偉人。或爲君主。或爲民主。皆以國民意見之趨向。而爲行政之標準者也。

夫有足以強國之國民。而無足以強國之元首。英之國王惹米斯二世。所以不

安其位也。有足以強國之元首。而無足以強國之國民。法之人民。所以久罹戰禍。而元氣至今不復也。設當日法國國民。其政見如英國國民之穩鍊。則拿破崙之事業。尙可以繼美華盛頓。定不至復變共和爲帝政。法國憲法。尙能圓滿收効。同于美國。亦定不至迭以更改而召禍變。乃法之民氣。風厲驕橫。旣達極點。拿破崙用帝政專制之手段。乃不足以資鎮懾。遂驅之以與各國戰。俾國民驕悍好戰之氣。有所宣洩。是亦大可憐矣。

吾國民若鑒于各國歷史。取其所長。略其所短。提自信之心。振穩健之氣。拋畏怖之念。一德一心。扶助政府。鞏固憲政之基礎。如此不惟不遏抑。反將禱祝而求之也。何以知之。當前清末季。京城資政院。各省諮議局。爲預備立憲機關。而其效果。乃能造成共和國體。蓋行爲旣正。而所發表之意見。又能全國一致。清廷自不得不實行禪讓。當時

大總統爲內閣總理。亦不得拘于世受國恩舊觀念。背輿情而獨行己見。則以

民黨所主張。絕非一人一家之私利。而爲國民公共之利益也。觀于我國與各國已往歷史。果孰能不循是前例。以爲進行之階級乎。

然查各國憲政進行。又必有一方面之勢力。出而反對之。亦幾成慣例。日本伊藤素持超然主義。卒以民黨有裨國家。始爲政友會首領。松方以壓抑民黨爲要務。終以民氣不可遏。竟上書乞骸骨。而甘于讓步。我國今日。決未有明張旗鼓。反對憲政者。是爲優勝各國之處。然袖手旁觀。亦絕無一人出而提倡民氣。爲憲政前途之預備者。亦屬列國所僅見。推其原因。殆同受一種不自信病根。夫人必有自信心。而後可以爲共和國民。亦必國民有自信心。而後可以成共和國家。如此則民心定。民心定。則民氣振。欲在二十世紀之憲政史上。博一無上榮譽。此非一二人之力。國民之力也。若聚此無數之奄奄無生氣之國民。不思建一議。設一法。貢獻政策。促進憲政。出與世界各國。相見于競爭舞台。是辜負憲政。即辜負

大總統也。所望諸君子振刷精神。勿以自誤者誤國家。勿以自誤者誤國民。皆無所誤。然後國民方有活潑之精神。國民有活潑之精神。然後憲政有進行之效果。無論當國政治家。與在野政治家。皆當注意者也。務使我國人民。有不知憲政爲何物者。以教育講解之。有不能促憲政進行者。以教育補助之。必使人皆有憲政之思想。與能力。對憲政須抱樂觀。勿存悲觀。以憲政爲彼岸。不達到不止。宏願大力。責在諸君子。幸勿懈。

